

P. 790, L. 6【三七精進】《法華經大成》卷 9〈普賢菩薩勸發品第二十八〉：「教內法中。凡三番教訓：初行立。乘象安慰其心。次坐思惟。教示其經。與其三昧。今三七一心精進。示教利喜也。呪乃諸佛密語。辟怪靈符。或佛名號。持之不怒而威。或鬼王名。呼之部落敬主。然持之者。不獨却難。一切時處。化凶為吉。轉罪為福。隨心滿願。乃至成聖成賢。其利大矣。」(X32,p.537b19-24)《妙法蓮華經玄贊》卷 10〈普賢菩薩勸發品〉：「此上品受持為護。有五：一教其軌則，三七日精通，二令見授道聞法得總持，三惡者不損，四正說神呪，五結己之力。「求索」者，須《法華》人，或凡所善願有規求者，於三七日一心精進者。《普賢觀經》明行法有五：一，三七日即見，二，七七日得見，三，一生得見，四，二生得見，五，三生得見。」(T34,p.853a32-b7)《法華經授手》卷 10〈普賢菩薩勸發品第二十八〉：「此段總束前未得者令得。未解者令解。未修者令修。未證者令證也。於受持前加『求索』。是『未得令得』也。於讀誦後加書寫。是『未解令解』也。前於行坐中思惟未得者。今教限三七一心精進。是『未修令修』也。至三七期終。現身說法。示教利喜。是『未證令證』也。前兩度但曰乘象現形。此復敘與無量菩薩及現眾生所喜見身者。是行人功深力極。一心精進之所致也。一切眾生。義該九界。喜見身者。即十身相海、淨妙色身也。三處論現身。必曰乘象。是體不離用之謂。前言魔鬼不便。此曰非人、女人。益見其為初心信樂之人。作守護也。然魔鬼，無定力者。不能引動。所謂賊不打貧家。下曰我身自護是人。是人者。即初心行人也。所以菩薩勸發之心。後後無盡。誠為恩大難酬。」(X32,p.825a4-17)

《佛說觀普賢菩薩行法經》：「阿難！若比丘、比丘尼、優婆塞、優婆夷、天龍八部、一切眾生誦大乘經者、修大乘者、發大乘意者、樂見普賢菩薩色身者、樂見多寶佛塔者、樂見釋迦牟尼佛及分身諸佛者、樂得六根清淨者，當學是觀。此觀功德，除諸障礙、見上妙色，不入三昧但誦持故，專心修習，心心相次，不離大乘，一日至三七日得見普賢；有重障者，七七日盡，然後得見；復有重者一生得見、復有重者二生得見、復有重者三生得見；如是種種業報不同，是故異說。」(T09,p.389c17-27)

「十身相海」：十身-菩提身、願身、化身、力持身、相好莊嚴身、威勢

身、意生身、福德身、法身、智身。此十身同於華嚴宗所立的行境十佛。《大方廣佛華嚴經疏》卷 48〈34 如來十身相海品〉：如來十身，…相德深廣故稱為海。故文云「有十蓮華藏微塵數相」，相體廣矣；一一用遍，相用廣矣；一一難思，互相融入，體用深矣。(T35,p.865b12-15)

P. 791, L. 5【覆以神力】《法華經授手》卷 10〈普賢菩薩勸發品第二十八〉：「菩薩既自現身守護。則一切外難無容可入。惟恐行人自心魔礙。隱隱作障。故復說呪。使誦此呪。則沉業亦殞矣。今言『菩薩』得聞者。即指修行四法、受持此經之人。謂能聞此呪。須知即為普賢神通所護。若非菩薩神通威力。呪尚無有。聞復何生。故今日得聞。實菩薩力也。又言此經行閻浮提有受持等者。閻浮。處極濁。人極惡。所以普賢從寶威德上王佛國入此娑婆。為勸發者。意在佛滅後之最後五百世。乃良知將泯。國土將壞之時。一切佛法俱不出現。若此時有妙法存。有能信持。豈非菩薩神力之所在耶。故曰皆是普賢威神之力。」(X32,825a22-b8)

P. 791, L. -6【正憶念】《法華經大成》卷 9〈普賢菩薩勸發品第二十八〉：「持經要行在正憶念。憶不正。則雜思變亂。念不正。則邪習混擾。欲成深行難矣。故此特明正憶念行。而下文再三言之。憶念既正。則所行無非普賢正行。故為如來摩頂印證也。」(X32,p.537c5-8)《法華經授手》卷 10〈普賢菩薩勸發品第二十八〉：「此明修行此經之功德也。知音云：不出六種法師義。一受持。二讀誦。三正憶念。謂因讀誦純熟。而得正心默念也。要解云：持經之要。在正憶念。蓋憶不正。則雜想變亂。念不正。則邪習汨擾。欲成深行。亦難矣。四解義趣。謂因正憶思惟。則義理炳現也。五如說而行。乃依理起行。以上皆行人之功。當知下。方明其德。亦有三：一因如說而行。則此人不違法相。即普賢行也。二因具足修行。此人而無疲厭。則知於無量佛所。深種善根也。三由具足修行。即是真因。故感果。佛以手摩頭。而安慰其心也。此約具行五法所感。現世之功德如是」(X32,p.825b11-21)「下文再三言之」：p. 792:-6+p. 793:8+p. 794:1

P. 791, L. -1【若但書寫】《法華經授手》卷 10〈普賢菩薩勸發品第二十八〉：「知音云。此明不能全具五種。但能書寫。此人命終。未來功德。即得生欲界

第二天。受諸欲樂。其樂有三：一天樂來迎。二著七寶冠。三采女娛樂。問：妙法有不思議勝功。既得具書此經。則應為諸聖冥加。當令至不生滅解脫之場。胡為使生欲界。於采女中受諸欲樂。天福若盡。未必不墮也？答：此亦隨因感果。非經力欲使為此樂也。且書寫者。由不能受持讀誦。無正憶思惟。但聞知此經。功深力重。或為宿習濃厚。不能捨諸世間恩愛。祇好書寫而已。由此功力。於世樂中而增天樂。可謂增上緣也。其實為下文作校量章本耳。」(X32,p.825b24-c10)

P. 792, L. 1【何況受持讀誦正憶念】《法華經授手》卷 10〈普賢菩薩勸發品第二十八〉：「知音云：何況二字。是以劣校勝也。謂書寫一種。其功德尚乎如此。則全具五法。其得勝報可知也。功德亦三：一命終為千佛授手。勝前但天女相迎也。授手者。提接之義。二無墮惡趣恐怖。返顯忉利樂盡尚有墮惡之怖也。三由千佛接引。得生彌勒內院。親近補處之尊。故即往兜率也。三十二相大菩薩者。乃與慈氏如來為同行侶。天女百千者。乃侍從慈氏如來者。非同忉利之為欲樂也。有如是等。是總結廣略功德。以勸發修持也。如是者。指前所出之相。等者。等於未舉之功德。猶不可量也。」(X32,p.825c12-21)

P. 792, L. 8【總結勸】《法華經授手》卷 10〈普賢菩薩勸發品第二十八〉：「總結一心而使修行。此總結修持也。舉『智者』。謂重在一心也。心若不一。豈能致普賢而為守護？是知此經非智者不能書持。非智者不能憶念。所以華嚴經中。亦顯非智者不能剖微塵而出大千經卷也。上節護人已竟。」(X32,pp.825c23-826a4)

P. 792, L. -4【誓願護法】《法華經授手》卷 10〈普賢菩薩勸發品第二十八〉：「此以神力守護佛法也。閻浮。為佛發心修因得果之土。故雖濁惡。利根亦眾。其中眾生不信則已。信則必至成佛。所謂蓮華不生淨地。卑濕淤泥乃生之意也。故經中每每言閻浮提流通其經。意在於此。」(X32,p.826a7-11)